

X.

Računarsku opremu na mrežnom serveru i radnim stanicama postavljaju samo zaposlenici koji su zaduženi za funkcionisanje informacionog sistema, Zavod za informatiku i statistiku Kantona Sarajevo ili, uz obavezno prisustvo tih osoba, vanjski pružatelj usluga sa kojim kantonalna upravna organizacija ima u tu svrhu zaključen ugovor.

Zaposlenici ne smiju iznositi računarsku opremu iz Kantona bez odobrenja rukovodioca organa.

Zaduženje računarske opreme odlukom odobrava rukovodilac organa.

O iznošenju računarske opreme i promjenama računarskih konfiguracija servera i radnih stanica zaposlenik je dužan sačiniti odgovarajući pismeni akt.

XI.

Pristup do mrežnih servera i radnih stanica, elektronske pošte i drugih izvora informacija, osigurava se sistemom šifri i pravilima pristupa koja određuju pravo pristupa pojedinačnog korisnika ili grupe korisnika.

Pristup do podataka preko aplikativnog programa osigurava se sistemom šifri za autorizaciju i identifikaciju korisnika programa i podataka. Smjernice o određivanju šifri, njihovom pohranjivanju, periodičnom mijenjanju i pravu pristupa istim, donose se posebnim uputstvom.

Ukoliko je sigurnost podataka ugrožena ili ako se ustanovi zloupotreba podataka, informacija ili sigurnosnih pravila, rukovodilac organa korisniku oduzima pravo pristupa do pojedinačnih informacionih izvora.

XII.

Svaki zaposlenik je dužan osigurati da sredstva za pristup podacima (šifre, kartice i sl.) nisu dostupna drugim osobama.

Kada zaposlenik nije prisutan na radnom mjestu prethodno mora zaključiti šifrom radnu stanicu, tako da je neovlaštenim osobama onemogućen pristup i uvid u podatke.

XIII.

Za potrebe ponovne uspostave funkcionisanja informacionog sistema, kod kvarova i u drugim izuzetnim slučajevima, osigurava se redovno kreiranje kopija sadržine mrežnog servera na kojima se nalaze važni podaci.

Kopije podataka se čuvaju u ormaru otpornom na vatru, poplave i elektromagnetne smetnje, koji su zaključan i smješten izvan prostorije u kojoj se nalazi mrežni server.

Smjernice o određivanju procedura, učestalosti i vrsti izrade sigurnosnih kopija podataka, donose se posebnim uputstvom.

Svi važni podaci se redovno smještaju u za tu namjenu predviđene baze ili mape na serveru. Na ovaj način se omogućava redovno kreiranje kopija važnih podataka.

Zavod je dužan napraviti uputstvo za pohranu podataka za zaposlenike kantonalnih organa uprave i stručnih službi.

XIV.

Zavod se brine o osiguranju lokalne računarske mreže kantonalnih organa uprave i stručnih službi od zlonamjernih upada sa drugih elektronskih mreža.

Pravo pristupa elektronskim mrežama i pravo upotrebe elektronske pošte određuje rukovodilac organa, u skladu sa Odlukom o korištenju elektronskih mreža.

XV.

Upotrebu računarske opreme kod kuće ili na drugim lokacijama izvan poslovnih prostorija Kantona mora unaprijed odobriti rukovodilac organa i njeni korisnici moraju poštovati ista sigurnosna pravila koja važe za upotrebu računarske opreme i zaštitu podataka na radnom mjestu, uz obavezu brisanja lokalnih kopija podataka po obavljenom poslu.

XVI.

Ova Odluka stupa na snagu danom donošenja a objavit će se u "Službenim novinama Kantona Sarajevo", na službenoj internet stranici i oglasnoj tabli Kantona.

Broj 02-05-25465-9.3/09
5. novembra 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 30. sjednici održanoj 5. novembra 2009. godine, donijela je

ODLUKU

O KORIŠTENJU ELEKTRONSKIH MREŽA U
KANTONU SARAJEVO

I.

(Svrha)

Vlada Kantona Sarajevo (u daljnjem tekstu: Vlada) podstiče državne službenike i namještenike (u daljnjem tekstu: zaposlenike) kantonalnih organa uprave i stručnih službi, te kantonalnih upravnih organizacija Kantona Sarajevo (u daljnjem tekstu: kantonalni organi) na upotrebu elektronskih mreža u lociranju, prikupljanju i korištenju podataka u procesu donošenja odluka, obavljanju svakodnevnih poslova, razmjeni informacija korisnih za posao te na razvoj sposobnosti za efikasno korištenje elektronskih mreža.

Ovaj dokument pomaže zaposlenicima koji imaju pristup elektronskim mrežama pri prikladnom korištenju opreme i resursa u vlasništvu Kantona Sarajevo (u daljnjem tekstu: Kanton) i onemogućavanju mogućih zloupotreba.

II.

(Objašnjenje)

Pristup znači ulazak na elektronsku mrežu Kantona. Pristup može biti unutar ili van prostorija Kantona i može uključivati udaljeni pristup.

Elektronske mreže su grupe računara i računarskih mreža koje mogu komunicirati međusobno. Ovo uključuje internu mrežu Kantona (u daljnjem tekstu: intranet), javne i privatne mreže izvan Kantona, kao i Internet.

Elektronske mreže osiguravaju digitalni pristup informacijama. S obzirom na to da mreže funkcioniraju na kompatibilnim standardima i protokolima, korisnici mogu imati pristup mrežnim računarima i pridruženim aplikacijama. Ovo dalje omogućava pristup elektronskim bazama podataka i njihovo pretraživanje kao i komunikaciju sa drugim korisnicima povezanih mreža.

III.

(Oblast primjene)

Ovom odlukom uređuju se uslovi službenog, prihvatljivog, neprihvatljivog i nezakonitog pristupa od strane zaposlenika a ne uređuju se zahtjevi, standardi i procedure za razvoj i implementaciju elektronskih servisa Kantona.

Ova odluka se odnosi na sve zaposlenike Kantona.

IV.

(Službeno korištenje)

Zaposlenici mogu službeno koristiti elektronske mreže:

- u cilju pristupa stručnim, naučnim, tehničkim i drugim informacijama u vezi sa njihovim profesionalnim angažmanom u Kantonu i obavljanja svakodnevnih poslova,
- u komunikaciji sa drugim institucijama javne administracije te poslovnim partnerima,
- u cilju stručnog i profesionalnog usavršavanja za poziciju na kojoj rade.

V.

(Prihvatljivo korištenje)

Prihvatljivo korištenje elektronskih mreža od strane zaposlenika je:

- pristupanje informacijama u vezi sa razvojem općih sposobnosti za kvalitetno obavljanje poslova,
- učestvovanje u komuniciranju putem elektronske pošte (u daljnjem tekstu: e-pošta) i na drugi način ukoliko takve komunikacije imaju veze sa obavljanjem posla. Ako u toj komunikaciji zaposlenik izražava vlastiti stav, u istoj mora biti uključeno posebno upozorenje koje objašnjava da je to njegov stav a ne stav Vlade.

Prihvatljivo je korištenje elektronskih mreža od strane zaposlenika u sljedeće svrhe, ukoliko je u razumnoj mjeri, najviše do 30 minuta dnevno, i ako ne ugrožava komunikacione resurse:

- preuzimanje tekstualnih i grafičkih sadržaja koji nisu vezani za posao a u cilju razvoja i unapređenja internet i drugih vještina,
- komuniciranje sa prijateljima, porodicom i drugim osobama,
- praćenje vijesti i drugih izvora informacija koje nisu neovlaštene ili zabranjene,
- kupovanje ličnih i porodičnih stvari,
- obavljanje uobičajenih ličnih bankarskih transakcija.

VI.

(Neprihvatljivo korištenje)

Sljedeće upotrebe elektronskih mreža, korištenjem informatičkih resursa Kantona, nisu dozvoljene:

- pretraživanje, pristup i štampanje tekstualnih, grafičkih i multimedijalnih informacija koje su usmjerene na pornografiju, golotinju i seksualne akte,
- pokretanje internet programa, uključujući, ali ne ograničavajući se na on-line igre, testove i druge zabavne sadržaje, kao nosioca potencijalne opasnosti po sigurnost računarskih sistema Kantona,
- obavljanje bilo kojih aktivnosti koje na bilo koji način štete ugledu Kantona i krše norme ponašanja zaposlenika u javnoj administraciji,
- obavljanje privatnih aktivnosti ili aktivnosti koje donose profit poput kupovine roba koje su za ličnu i porodičnu upotrebu, primanja usluga online, prodaja roba, pružanja usluga i reklamiranje istih,
- uključenje u bilo koju aktivnost političkog lobiranja, promoviranja političkih stranaka, sakupljanja sredstava za iste i ostale političke aktivnosti,
- uznemiravanje i širenje netrpeljivosti po rasnoj, nacionalnoj, vjerskoj, političkoj i drugim osnovama.

Nije dozvoljeno ugrožavanje sigurnosti računara ili informacija od strane zaposlenika uključujući:

- pristup informatičkim resursima Kantona sa udaljenih lokacija koji nije u vezi sa obavljanjem službenih poslova,
- dobivanje neovlaštenog pristupa,
- neovlašteno uništavanje ili mijenjanje podataka ili onemogućavanje pristupa onima koji imaju pravo na pristup,
- neovlašteno onemogućavanje pristupa servisima ili računarima onima koji imaju pravo na pristup,
- pokušaj probijanja zaštite korisničkog računara ili računara,
- otkrivanje šifri, pristupnih procedura ili mrežne konfiguracije trećoj strani,
- slanje povjerljivih ili zaštićenih informacija na nezaštićen način,
- presretanje privatne komunikacije ili e-pošte u prolazu,
- širenje virusa i drugih štetnih programa,
- neovlašteno postavljanje ili skidanje programa,
- obavljanje bilo koje aktivnosti koja bi mogla ugroziti sigurnost bilo kog računara ili informacija Kantona.

Nije dozvoljeno ugrožavanje informatičkih resursa Kantona putem zagušenja ili prekida komunikacionog kanala uključujući:

- slanje masovnih poruka putem e-pošte,
- pretplatu na službenu adresu na primanje e-pošte koja nije u vezi sa poslom.

Nije dozvoljena upotreba elektronskih mreža iz tačke 5, stav 2, ukoliko prelazi razumnu mjeru ili ugrožava resurse Kantona.

VII.

(Nezakonito korištenje)

Nezakonito je korištenje elektronskih mreža koje:

- je suprotno važećem Krivičnom zakonu Bosne i Hercegovine ili Federacije Bosne i Hercegovine, kao i svim drugim zakonima i propisima koji uređuju pojedina pitanja u vezi sa korištenjem elektronskih mreža,
- je već nanijelo ili vjerovatno može nanijeti štetu drugom,
- je namjerna aktivnost u ugrožavanju Kantona ili računara,
- je na neki način nezakonita aktivnost.

VIII.

(Osiguranje servisa)

Zavod za informatiku i statistiku Kantona Sarajevo (u daljnjem tekstu: Zavod) osigurava pristup intranetu svim zaposlenicima kantonalnih organa uprave i stručnih službi koji koriste računar za obavljanje svakodnevnih poslova.

Zavod može osigurati pristup intranetu zaposlenicima kantonalnih upravnih organizacija na zahtjev rukovodioca upravne organizacije.

Zavod mora svim zaposlenicima kantonalnih organa uprave i stručnih službi koji koriste računar za obavljanje svakodnevnih poslova osigurati e-poštu sa domenom registrovanim na Kanton.

Zavod može osigurati e-poštu sa domenom registrovanim na Kanton zaposlenicima kantonalnih upravnih organizacija na zahtjev rukovodioca upravne organizacije.

Rukovodilac kantonalnog organa ima pravo odlučiti da li zaposlenik u obavljanju svojih poslova ima potrebu za internet pristupom i pristupom podacima drugih institucija.

Rukovodilac kantonalnog organa mora oduzeti prava pristupa mrežnim podacima i servisima onima koji izgube status zaposlenika.

Ukoliko dođe do sumnje u kršenje odredbi ove odluke od strane zaposlenika, Zavod o tome informiše rukovodioca kantonalnog organa sa prijedlogom mjera prema tom zaposleniku.

IX.

(Odgovornosti zaposlenika)

Korištenje računarske opreme, elektronskih mreža i ostalih resursa Kantona u obavljanju službenih poslova uvijek ima prednost nad upotrebom računara u privatne svrhe.

Zaposlenici su obavezni na učenje pravilnog korištenja elektronskih mreža i kulture komuniciranja putem javnih servisa između ostalog i prijavom na obuke koje organizuju nadležne institucije.

U cilju izbjegavanja problema vezanih za ograničenost računarskih i mrežnih kapaciteta Kantona, zaposlenici su odgovorni za njihovo racionalno korištenje.

Zaposlenici moraju biti svjesni da mrežni i internet kontakt ostvaren korištenjem e-pošte i domene registrovane na Kanton može stvoriti dojam kod drugih da takav pristup odražava zvanični stav Vlade. Zaposlenici ne smiju koristiti elektronske mreže u bilo koju svrhu koja može negativno uticati na Vladu i ostale zaposlenike, čak i ako iste koristi za privatne svrhe.

Zaposlenici su odgovorni za pridržavanje sigurnosnih politika i procedura u korištenju servisa elektronskih mreža, i uzdržavanje od bilo koje prakse koja može ugroziti računarske sisteme i podatke Kantona, uključujući, ali ne ograničavajući se na računarske viruse koji mogu biti preuzeti sa interneta,

Zaposlenici su obavezni poštovati posebne zahtjeve koji su postavljeni na neke sadržaje elektronskih mreža, kao što su ugovori o korištenju istih, pravo o privatnosti korištenja i autorska prava.

Zaposlenicima koji koriste elektronsku mrežu Kantona nije dozvoljeno korištenje drugih mreža.

X.
(Praćenje)

Mrežna komunikacija može biti praćena kako bi se utvrdilo da mreža radi efikasno, u cilju izolacije i rješavanja problema i kako bi se procijenilo pridržavanje pravilima.

Praćenje znači bilježenje i moguću analizu aktivnosti na sistemu ili mreži.

Odluku o praćenju komunikacije donosi rukovodilac Zavoda.

Normalno praćenje ne podrazumijeva praćenje sadržaja tj. čitanje e-pošte ili dokumenata zaposlenika, ali takva akcija može biti poduzeta ako se sumnja na činjenje krivičnog djela.

Odluku o praćenju sadržaja donosi sudija za prethodni postupak na obrazloženi prijedlog tužioca u skladu sa Zakonom o krivičnom postupku.

XI.

(Početak primjene i objavljivanje)

Ova Odluka primjenjuje se danom donošenja, a objavit će se u "Službenim novinama Kantona Sarajevo", na zvaničnoj internet stranici i na oglasnoj tabli Kantona.

Broj 02-05-25465-9.5/09
5. novembra 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), i člana 25. Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na 30. sjednici održanoj 5. novembra 2009. godine, donijela je

RJEŠENJE

**O RAZRJEŠENJU PREDSEDNIKA I ČLANOVA
UPRAVNOG ODBORA JAVNE USTANOVE
TERAPIJSKA ZAJEDNICA - KAMPUS KANTONA
SARAJEVO**

I.

Razrješavaju se dužnosti predsjednika i članova Upravnog odbora Javne ustanove Terapijska zajednica - Kampus Kantona Sarajevo, zbog isteka mandata:

1. ENES BEZDROB, dipl. ecc - predsjednik
2. OSMAN KAPETANOVIĆ, dr. medicine - član
3. HUSEIN UZUNOVIĆ, dipl. pravnik - član
4. STANKA TODOROVIĆ, prof. pedagogije i psihologije - član
5. SADETA BEGIĆ - KAPETANOVIĆ, dr. medicine - član
6. ENESA MRKALJEVIĆ, član.

II.

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-25465-31.1/09
5. novembra 2009. godine
Sarajevo

Premijer
Besim Mehmedić, s. r.

Na osnovu člana 22. i 24. stav 3. Zakona o Vladi Kantona Sarajevo ("Službene novine Kantona Sarajeva", broj 24/03 - Prečišćeni tekst) i člana 25. stav 2. Zakon o ustanovama ("Službeni list RBiH", broj 6/92, 8/93 i 13/94), a u vezi sa Zakonom o zaštiti od požara ("Službeni list SRBiH", broj 15/87, 37/88, 38/89, 36/90 i ("Službeni list RBiH", broj 13/93), na prijedlog vršioca dužnosti direktora-komandanta Profesionalne vatrogasne brigade Kantona Sarajevo, Vlada Kantona Sarajevo, na 30. sjednici održanoj 5. novembra 2009. godine, donijela je

RJEŠENJE

**O IZMJENAMA I DOPUNAMA RJEŠENJA BROJ
02-05-6443-11b/08 OD 05.03.2008. GODINE I BROJ
02-05-32129-13/08 OD 18. 12. 2008. GODINE**

I.

U tački II. stav 1. Rješenja o imenovanju predsjednika i članova i zamjenika predsjednika i članova Komisije za polaganje stručnog ispita za profesionalnog vatrogasca i rukovodioca akcije gašenja požara broj 02-05-6443-11b/08 od 05.03.2008. godine i broj 02-05-32129-13/08 od 18.12.2008. godine, riječi "Huso Češko" zamjenjuju se riječima "Nermin Bojčić", dipl. ing. ZOP-a.

II.

U tački II Rješenja o izmjenama i dopunama Rješenja broj 02-05-6443-11b/08 od 05.03.2008. godine riječi "Nermin Bojčić" zamjenjuju se riječima "Dževad Čorović".

III.

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-25465-24/09
5. novembra 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 25. Zakona o ustanovama ("Službeni list RBiH", broj 6/92, 8/93 i 13/94) i člana 4. tačka 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03), Vlada Kantona Sarajevo, na 30. sjednici održanoj 5. novembra 2009. godine, donijela je

RJEŠENJE

**O IMENOVANJU V.D. PREDSEDNIKA I V.D.
ČLANOVA UPRAVNOG ODBORA JAVNE USTANOVE
TERAPIJSKA ZAJEDNICA - KAMPUS KANTONA
SARAJEVO**

I.

Za v.d. predsjednika i v.d. članova Upravnog odbora Javne ustanove Terapijska zajednica -Kampus Kantona Sarajevo, na period do 2 (dva) mjeseca imenuju se:

1. ENES BEZDROB, dipl. ecc - v.d. predsjednik
2. OSMAN KAPETANOVIĆ, dr. medicine - v.d. član
3. HUSEIN UZUNOVIĆ, dipl. pravnik - v.d. član
4. STANKA TODOROVIĆ, prof. pedagogije i psihologije - v.d. član
5. SADETA BEGIĆ - KAPETANOVIĆ, dr. medicine - v.d. član
6. KEMAL MUŠIMBEGOVIĆ, dipl. politolog - v.d. član iz reda zaposlenika ustanove

II.

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-25465-31.2/09
5. novembra 2009. godine
Sarajevo

Premijer
Besim Mehmedić, s. r.

Na osnovu člana 1. i 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03), člana 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 89. Zakona o osnovnom odgoju i obrazovanju ("Službene novine